

Ineqarnermut tapiissutit pillugit inatsisit aquneqarnerannut tunngatillugu nakkutilliineq

Ilisimatitsissut

J.nr.: EMN-2020-26255

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Februaarimi 2020-mi Isumaginninnermut Naalackersuisoqarfik aamma Atuutsitsinermit Naalackersuisoqarfik ineqarnermut tapiissutit pillugit inatsisit aquneqarnerannut tunngatillugu nakkutilliipput

Nakkutilliisut ineqarnermut tapiissutit pillugit suliat qulit misissorpaat Nuummilu Isumaginninnermut ingerlatsivik pulaarlugu, aqutsisunik sulisunillu sivikitsumik apersuipput kommune ineqarnermut tapiissutinut inatsisinut januaari 2019-imi atuutilersunut qanoq ingerlatsisarnersoq ersarissartinniarlugu.

Nakkutilliisut nalunaarusiaminni naliliipput, Kommuneqarfik Sermersooq ineqarnermut tapiissutit pillugit inatsisit atuuttut naapertorlugit allaffissornikkut nalinginnaasumik aqutsisartooq, pissutsinilli arlalinnik kommunip aaqqitassaanik maluginiagaqarlutik.

Namminersorlutik Oqartussanut nassuiaammik suliarinnittoqassaaq.

Suliaq Suliffeqarfinnermut Isumiginninnermullu Ataatsimiititami 15. septembari 2020-imi oqaluuserineqarpoq, ataatsimiititap ilisimatitsissut tusaatissatut tiguaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsemut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap ulloq 23. septembari 2020-mi ataatsimiinnerani oqaluuserineqarpoq, ataatsimiititallu ilisimatitsissut tusaatissatut tiguaa Kommunalbestyrelsimullu ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Inissiani attartortittakkani ineqarnermut tapiissutit pillugit Inatsisartut inatsisaat nr. 23 7. december 2015-imeersoq kingusinnerusukkut allannguuteqartoq kiisalu peqqussummi inatsisunik januaarimi 2019-imi atuutilersunik ilaqartumik nakkutilliisut kommunip ingerlatsineranik nakkutilliipput.

Ineqarnermut tapiissutit pillugit suliat qulit uppersaataasa misissornerini nakkutilliisut suliaq ersarissarpaat, kiisalu Nuummi isumaginninnermut ingerlatsivimmi aqutsisunik sulisunillu apersuillutik.

Suliffeqarnermut Isumaginninnermullu Ingerlatsiviup periarfissaq atorlugu nakkutilliinermi ajornartorsiutit eqqartorpaat akileraarutaasussanut tunngasunik paasissutissat innuttaasunut tunngasut pillugit qanoq suliarineqartassanersut.

Isumaginninnermut Suliffeqarnermullu Ingerlatsivimmit nakkutilliinermi nalunaarusiamut atatillugu tusarniaanermut akissuteqaasiorpoq nassiullugulu.

Aaqqiissutissatut siunnersuut – suliatigut naliliineq.

Isumaginninnermut Suliffeqarnermullu Ingerlatsivik nakkutilliinermi naliliineq pillugu nalinginnaasumik ineqarnermut tapiissutit pillugit inatsisit naapertorlugit allaffissornikkut aqutsisoqartarneranik naammagisimaarinnippoq, pissutsillu aaqqitassat tusaatissatut tigullugit. Namminersorlutik Oqartussanut nassiussassamik malitseqartitsilluni nassuiaammik suliarinnittoqarpoq.

Isumaginninnermut Suliffeqarnermullu Ingerlatsivik nakkutilliinerup ersarissaanera malillugu suliniutini sorlertni pissutsinik aaqqiissanerluni nassuiaammik suliarinnileruttorpoq.

Aningaasatigut sulisoqarnikkullu naliliinerit

Suliaq aningaasatigut sulisutigulluunniit kinguneqanngilaq.

Inatsisitigut tunngavissaq allakkallu tunngaviusumik uppersaatitalit

- Inissiani attartortittakkani ineqarnermut tapiissutit pillugit Inatsisartut inatsisaat nr. 23 7. december 2015-imeersoq
- Ineqarnermut tapiissutisinissamut appariartuaartitsinissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. novembari 2017-imeersoq

Ingerlariaqqinnissaq

Isumaginninnermut Suliffeqarnermullu Ingerlatsivik nakkutilliinerup ersarissaanera malillugu suliniutini sorlertni pissutsinik aaqqiissanerluni nassuiaammik suliarinnilluni aallartippoq.

Aningaasaqarnermut Allatseqarfimmit oqaaseqaatit

Pisariaqanngilaq.

Innuttaasunik peqataatitsineq/attaveqaqatigiinneq

Pisariaqanngilaq.

Ingerlatsivinnit allaniit oqaaseqaatigineqartut

Pisariaqanngilaq.

Siusinnerusukkut aalajangiinerit:

Suliffeqarnermut Isumaginninnermullu Ataatsimiititap 15. september 2020-mi aalajangiinera:
Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangernera ulloq septembarip 23-iani 2020:

Inassuteqaat akuersissutigineqarpoq.

Ilanngussat

1. Nakkutilliinermi nalunaarussiaq Ineqarnermut tapiissutit pillugit
2. Tusarniaanermi akissuteqaat Ineqarnermut tapiissutit pillugit